



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans**

**Kinckius, Matthias**

**Coloniæ, 1662**

De benedictione in fine Missæ & Evangelio S. Ioannis,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

3. In Missa solemni Diaconus defert librum Missalis ad cornu Epistole, deinde vadit retrò post Celebrantem: Subdiaconus verò vadit ad cornu Evangelij, ubi Calicem mundat, aptat cum Purificatorio, Patena & Palla cooperit, plicat Corporale, reponit in Bursam, & illam ponit super Calicem coopertum velo, quem collocat in Altari, vel super Credentia ut prius: postea redit ad locum suum retrò post Diaconum, qui cum dicit, Ite Missa est, cum Celebrante vertit se ad populum: & in Quadragesima dicto per Celebrantem Oremus: Diaconus in cornu Epistole vertens se ad populum, iunctis manibus dicit, ut suprà, Humiliate &c. quo dicto vertit se versus Altare à tergo Celebrantis, & Celebrans dicit Orationem super populum.

DE BENEDICTIONE IN  
fine Missæ, & Evangelio sancti  
Ioannis.

XII.

i. Dicto, Ite Missa est, vel Benedicamus Domino, ut suprà, Celebrans ante mediū Altaris stans iunctis manibus super eo,  
& ca.

& capite inclinato dicit secretò, *Placere tibi sancta Trinitas* &c quo dicto, extensis manibus hinc inde super Altare positus, ipsum in medio osculatur: tum erigens se, adhuc stans versus illud, elevat ad cœlum oculos & manus, quas extendit, & iungit, caputq; Cruci inclinans, dicit voce intelligibili. *Benedicat vos omnipotens Deus*, & iunctis manibus, ac demissis ad terram oculis, vertens se ad populum à sinistro latere ad dextrum, extensa manu dextra, iunctisque digitis, & manu sinistra infra pectus posita, semel benedicit populo, dicens, *Pater, & Filius, & Spiritus sanctus*, R. *Amen.* & circulum perficiens, revertitur ad cornu Evangelii, ubi dicto, *Dominus vobiscum*, & R. *Et cum spiritu tuo*, pollice dextro signans primum signo Crucis Altare, seu librum in principio Evangelii, deinde frontem, os, & pectus, dicit, *Initium sancti Evangelij secundum Ioannem*, vel *Sequentia sancti Evangelij*, ut dictum est in Rubricis generalibus, & R. *Gloria tibi Domine*, iunctis manibus legit Evangelium, *In principio*, vel aliud ut convenit. Cum dicit, *Et verbum caro factum est*, genuflectit versus cornu

Evan-

Evangelii , & surgens prosequitur ut prius : quo finito, Minister stans à parte Epistolæ respondet. *Deo gratias.*

2. Si Celebrans in Altari vertit faciem ad populum, non vertit se, sed stans ut erat, benedicit populo ut supra in medio Altaris : deinde accedit ad cornu Evangelii, & dicit Evangelium S. Iohannis.

3. Si celebravit coram summo Pontifice, Cardinale, & Legato Sedis Apostolicæ, vel Patriarcha, Archiepiscopo, & Episcopo in provincia, civitate, vel diœcesi sua existente, Celebrans dicto, *Placeat tibi sancta Trinitas &c.* dicit, *Benedicat vos omnipotens Deus*, & convertens se ad summum Pontificem genuflexus, ad Cardinalem verò & Legatum, vel alium ex supra dictis Prælati, capite inclinato quasi licentiam benedicendi petens prosequitur, *Pater, & Filius* ✠ *& Spiritus sanctus*, benedicens adstantes à parte ubi non adest Pontifex, Cardinalis, Legatus, aut Prælati prædicti. Si celebravit coram Patriarcha, Archiepiscopo, & Episcopo extra eorum provinciam, civitatem vel diœcesim constitutis, eis absque alio respectu, ut cæ-

G teris

teris qui interfunt, more consueto benedicat.

4. Si autem celebravit pro Defunctis, dicto *Placeat tibi sancta Trinitas*, ut supra, & osculato Altari accedit ad cornu Evangelii, & dicit Evangelium S. Iohannis, prætermissa benedictione, quæ in Missis Defunctorum non datur.

5. Finito Evangelio in fine Missæ, si celebravit coram summo Pontifice, Cardinale & Legato Sedis Apostolicæ, vel Patriarcha, Archiepiscopo, & Episcopo, convertit se ad illum, coram quo ex prædictis celebravit, & facit reverentiam convenientem. Si non celebravit coram aliquo prædictorum, huiusmodi reverentiam prætermittit.

6. Quibus omnibus absolutis extinguuntur per Ministrum candelæ: interim Sacerdos cooperto capite accipit sinistra Calicem, dextram ponens supra bursam, ne aliquid cadat, descendit ante infimum gradum Altaris, & ibi in medio vertens se ad illud, caput inclinat, (vel, si in eo est tabernaculum sanctissimi Sacramenti, genuflectit operto adhuc capite) & facta reverentia, præcedente ministro, eo modo quo venerat,

rat,

rat, redit ad Sacristiam, interim dicens Antiphonam, *Triumpuerorum*, vel canticum *Benedicite*. Si verò sit dimissurus paramenta apud Altare ubi celebravit, finito Evangelio prædicto, ibidem illis se exiit, & dicit Antiphonam *Triumpuerorum*, cum cantico & aliis Orationibus, ut suo loco ponuntur.

7. In Missa solenni Celebrans eadem voce & modo, quo in Missis privatis, semel tantum benedicit populo, nisi sit Episcopus: & dicto Evangelio secundum Ioannem, vel alio ut supra, ministrante Subiacono librum, si opus est, discedit cum ministris ordine & modo, quo venerat.

Episcopus autem ter benedicit populo, etiam in Missis privatis, ut in Pontificali & Ceremoniali habetur.

---

## ANNOTATIONES.

Benedicturus populo non se vertat, priusquam dixerit, *Benedicat vos omnipotens Deus, & Cruci reverentiam fecerit.*

Ad verba. *Et verbum caro factum est*, caveat ne versus Crucem vel sanctissimum Sacramentum genuflectat, sed versus cornu Evangelij.

Cum in presentia Prælati &c. celebravit benedicturus populo, inclinatur se versus eundem Prælatum, non quidem prius, sed postquam supradictam reverentiam Cruci fecerit, & iam versus populum steterit.

Si in Altari celebravit, in quo non est positum Venerabile Sacramentum, caput tegat superius in Altari, antequam accipiat Calicem.

Celebrans non Episcopus caveat à trina benedictione.

Aspergens aspergendo non faciat reverentiam propter honorem rei sacræ quam administrat tum etiam, quia vice versa convenit aspergendum se reverenter habere atque humilitate erga aspergentem, cum aspergi subiectionem quandam, aspergere verò superioritatem præferat. Hinc est quod Officiarius sive Celebrans, Prælatum, puta Episcopum in propria residentia &c. aspergere non possit, sed eidem Aspersorium cum osculo eiusdem Aspersorii, nec non manus Prælati porrigere teneatur, ut supra tit.

*De ingressu Sacerd. ad Alt. §. I.*  
in Annot.